

آنادولۇلۇمىچىسى

صاىي : ۷

مىرەش تارىخى	مىرەش
چون دوۋەى	ضىيادىن فەتى
آنادولۇ اقليسى	ابى القىم مىقى
تورك اوجاغى	مىرە جىب
جاناوار	فازىل نازى
داغ باشىدە بركىچە	اسماعىل نامى
آنادولۇلۇمىچىسى	مىرەش مىللىل
رايىتدە رانات تاغورە	مىرەش جىب
قېرىلغۇ	مىرەش مىللىل
تاجىك شەرى	مىرەش مىللىل

آيك ايزلى : ارضوم فلاكتى - بىكى قافقاسيانى تىرىك - ولايات شىرقىيە مەكتۇبلىرى

سوك دىققەتدە آنادولۇلۇمىچىسىنىڭ اوز چوچوغى استاد
صياكوك آلب بىكك ازىچالى خىر آلان مىچوغە مىرەش بوبوك
ضىياعى نائىرلە قىدە قازىلارنىڭ غرضى تەرىت ايلار .

بىكى مىچوغە

۱۳۴۰

آنادولونك فتحى

۴

سلطان اعظم ملكشاه زمانده آنادولونك اكال فتحى : آنادولو فتحى سلطان سلیمان شاه غازی . — آنادولونك وبوتون ممالك مجهوله غریبه نك فتحه مأمورایدیلن سلطان سلیمان بن قوتولش یوزیکرمی بیك چری ایله ایراندن آنادولویه کلدی . ارضرومه موصلتنده آنادولوده غزا وفتوحات ایله مشغول بولنان تورکمن ملوک وامراسی مشارالیهی استقبال ایتدیلر . سلیمان ، آنادولونك مرکزینه قدر ایلریله یوب قیصریه شهرینی قرارگاه اتخاذ ایلدی . بر طرفدن بالذاب کنديسی ، دیگر طرفدن امیرلر یریر فتوحاته وخرستیانلرک تحصن ایتش اولدقلری قلعهلری برر برر ضبطه باشلادیلر . منتظم اردویی تعقیب ایدن کوچبه تورکمنلر مظفریتك اکلانی تسهیل ایدیورلر ، بوی بوی ، اویماق اویماق هرطرفه داغیلورلر ، راست کلدکلری قرا و قصبائی یغما و تخریب ایدیورلر ، سکنه سنی یا اسیر آلیورلر ، یاخود ثولدیوریورلردی . بوبویوک استیلادن جانی قورتارمايه چالیشان خرستیانلر یاصرب داغلره التجا ، یاخود استانبوله دوغری فرار ایدیورلردی . آنادولوده کی خرستیان عنصرینك بو استیلایه قارشى مقاومت ایده میوب محو اوله جنی بك آشکار ایدی . زیرا تورک استیلایه قلمادی بر نهر حالنده آنادولویه آقپور ، تورکمن عشرتلی بلا فاصله بربرینی تعقیباً کلیوردی .

۶۶۸ سنه لرنده امیر کشتکین نزیب واورفه طرفلرنده کی صوک خرستیان بقیه السیوفنی محو ایدرکن امیر دانشمندره شمالده کی (نیکسار) وحوالیسنی ضبط ایلوردی . ۶۶۹ ده امیر ایلنکین آنقره وحوالیسنی ، امیر قرانکین کانغری بی ، امیر افسین غالاتیا و فیریکیا خطه لرنده کی قلعهلری آچشدی . سلطان سلیمان شاه ایسه قونیه کیش وهنوز اوحوالی ده ضبط ایدلمه مش اولان بعض مواضعك فتحی ایچون توقف ایلشدی . سلطانك قوماندانلری ایزوریا وپامفیلیا خطه لریه لیقائونیانك بوتون اقسامنی آدیم آدیم الیدیلر . قلعه لره تحصن ایدن روملر ، یا جبراً تسلیمه اجبار ایدییلورلر یاخودده قورقورلندن کندی رضالریله عرض اطاعت ایدیورلردی .

تورکمن بکلرندن (امیر بولرامی) جیحان وسیحان نهرلرینك حوضه سنی آلمغه

چالیشیوردی . مشار الیه البستان و مرعش قصبه لریله کلیکیا قطعه سنی ، مسیسی ، عین زربیه ، آتیه ی ضبط ایتمشدی . (امیر منکوج) ایسه ارزنجان ، کجخ ، دیوریک ، بایورد قصبه لرینی و قره دکز ساحلنده کی بلده لری آلمشدی .

آنادولو بوضورتله تورکلر طرفندن ضبط اولونمقده ایکن روملر برلریله اوغراشمقدن باشقه برشی ایله مشغول دکل ایدیلر . حکمدارلق سوداسنه دوشن بیزانس جنراللری . کندیلرینی ایمپراطور اعلان و حکومت مرکزیه قارشى اعلان عصیان ایدیورلردی . آنادولوده (نیکه فور بوتانیات) ، روم ایلیده (بریهن) ایمپراطور لقلرینی اعلان ایتمشلردی . ایمپراطور (میخائیل دوکاس) بالخاصه (بوتانیات) دن چوق تلاش ایدرک اونک علیهنده تورکلرله اتفاق ایتدی ، سلطان سلیمان ایله مذاکره کیریشدی . سلیمان ، مهم بر مبلغ مقابلنده مرقومی در دست ایتیه و عدا ایدرک اونک کچه چکی یوللری و کچیدلری طوتدیردی . بوتانیات ، بوندن خبردار اولونجه صاپا یوللردن مرور ایدرک ازنیق یولنی طوتدی . کوتاهیه ده بولنان سلطان سلیمان مرقومک تعقیب و در دستى ایچون بر مقدار عسکر کوندردی . اسیر اولاجنی آکلایان بوتانیات سلطاننه ایچی کوندره رک استانبول ایمپراطوریه دکل کندیسيله اتفاق ایتسنی رجا ایتدی . بواتفاقک تورکلرک منفعتنه پک موافق اولاجنی آشکار ایدی . سلطان اونک رجاسنی قبول ایتدی و معیتته بر سواری قوتی ویردی . بوتانیات ، تورک قوه امدادیه سنی آلدقن صوکر دوغریجه ازنیقه کلوب بلامقاومت شهره کیردی و کندی ایمپراطور لغنی قبول ایتدیردی ، بر آز صوکر استانبولی ده ضبط ایدوب شرق ایمپراطوری صفیله تنویج اولندی [۴۷۰] بوتانیات ، آنادولوی تورکلرک الهه براقشدی . تورکمن بکلری مقاومت کورمه دن ایلریلیورلر و روم قلعه لرینی آلیورلردی . اورته آنادولونک فتحی کمال ایتدکدن صوکر غربی آنادولویه یانیلمایه باشلامشلردی . بوئانده (بریهن) روم ایلیده ایمپراطور لغنی اعلان ایتش ، بوتانیاتی اسقاط ایچون استانبوله دوغری یورومه یه باشلامشدی . بوتانیات ، متفی اولان سلطان سلیمانن امداد ایسته دی . اوده بر قاچ بیک اتلی کوندردی . بوتانیات ، بونلری (آلکسی قومنه ن) قومانداسنه ویره رک (بریهن) اوزرینه کوندردی ؛ بریهن مغلوب ایدلدى .

۴۷۱ سنه سنده قالا بریا محاربه سی دوام ایدرکن ایمپراطور ، سلطانن تکرار استمداد ایتش ، اوده پک مهم بر قوت کوندرمشدی . بو قوت سایه سنده ایمپراطورک اردوسی مظفر اوله بیلمشدی . سلطان بر طرفن ایمپراطوره امداد کوندیررکن دیگر طرفن اونک مالکنی آلمقده دوام ایدیوردی . (امیر عثمانجی) قسطنونی و حواله سنی آلمشدی .

امرادن بعضىلىرى سقاريه يي كچه رك استانبوله متوجهاً ايلريه يورلردى .
 بوتانيات ، متفق اولديغى توركلردن پك آغير ضررلر كورمكده اولديغى ، نهايت
 بركون اونلرك استانبوله قدر كه چكى آكلادى . تورك استيلاسى اولديغى يردە توقيف
 ايتك و هيچ اولمازسه غربي آنادولونك الدن كيمه مسنى تأمين ايتك اوزره (قسطنطين
 دوقاس) ى بر اردو باشنده اولديغى حالده يوله چيقاردى . فقط قسطنطين آنادولويه
 كچر كچمز ، بوتانياتك اولجه ياپديغى يامغه قالقدى ، امپراطورلغى اعلان ايتدى . اوده
 بوتانيات كچى توركلرله اتفاق ايتك واونلردن امداد آلهرق استانبوله يورومك ايسته يوردى .
 فقط برشيئه موفق اولامادن ياقالاندى . اردوسى داغيلدى .

سلطان سليمان آنادولوي فتح ايدركن ، ديكر سلجوقى پرنسلى ده آسيانك اقطار
 سائرهنى ضبط ايتمكده ايدىلر . سلطان اعظم آل ارسلان مرحومك اواخر جلوسنده
 سوريه يي فتحه باشلايان (اميرنسر خوارزمى) قطعه مذكوره نك استيلاسى اكمال ايتد كدن
 صوكرامصره كيرمش وقاهره يي محاصره ايتمشدى . آتسر ، بو محاصره ده موفق اولامادى
 سوريه يه دوندى . سلطان اعظم ملكشاه ، اتسزى عزل ايدرك سوريه حكمدارلغى
 برادردى (تاج الدوله نونوسه) ه وىردى . ۴۷۱ ده توتوش ، معيتده پك چوق توركمن
 بولنديغى حالده دمشقه داخل و سوريه يه حاكم اولدى ، اتسزى ئولديردى . آنادولو
 امراسندن بعضىلىرى آنادولودن مفارقتله شامه كيدوب توتوشك خدمته كيردىلر . مشهور
 (امير افشين) بونلردن بريسى در . افشين ، شجاعت و موفقيتانه مغرور بر ذات اولوب
 سلطان سليمانك بر چوق امرلرني اصفا ايتيهرك اونكه بوزوشمش و آنادولوي تركه
 اجبار ايدلمشدى . آنادولو فاتحلرينك اك معروفى اولان افشينك عاقبتى مجهول قالمشدر .
 اواخر عمرينه دائر هيچ برمعلوماته دسترس اوله مادم .

ازينك فتحى ، سلطان سليمان شاه استانبول بوغازينه قدر كلبور . — ۴۷۲ سنه سنده
 استانكويده اقامت ايتمكده اولان (نيكه فورمه ليسه) امپراطور اولق سوداسنه دوشهرك
 استانكويدين بركى يه ينيوب آنادولو ساحلنه چيقدى . اوصيراده تورك آقنجيلرى آطه لر
 دكرى ساحلرينه قدر يايلىشردى . مه ليسه ، بر چوق تورك بكاريه مناسبات
 تأسيس ايلشدى ؛ تورك آقنجيلرينك باشنه كچوب كنديسنه قاپولرني آچان شهرلرني
 دولاشيوردى ، هيچ بر آرزولرني رده موفق اولامادى بو آقنجيلر بو صورته
 بو قلعه لرى ضبط ايدىلوردى . پك آرزومان ايچنده توركلر فيريكيا وليديا خطه لرينه
 حاكم اولهرق ليديا وايونياه دوغو ايلريه مه يه باشلايدىلر . توركلرك بو صورته

مظاهرتنه نائل مهلیسه از نیکه حاکم اولدی و امپراطورلق تاجنی کیندی . استانبول
ایمپراطوری نیکه فور بوتانیات ، اونی تأدیب ایچون آوروپاده کی اردوسنی آسیایه کچیردی
و (یوآنس) اسمنده برحرم اغاسنی بواردویه قوماندان تعیین ایتدی . مرقوم از نیک
اوزرینه یورویوب شهردن ایکی فرسخ مسافده اوردوگاهنی قوردی . از نیکده بولنان
مهلیسه ، یوآنسه مقاومت ایده میه جکنی آکلایه رق سلطان سلیماندن استمداد ایتدی .
او صیراده (یوآنس) اردوسیه شهره تقرب ایدرک محاصره به باشلادی . محاصره
بر هفته قدر سوردی ، فقط بر آز صوکر سلطان سلیمانک قوتلی بوتورک اردوسیه
مهلیسه و محصورلره امداده کلدیکنی کوره رک رجعت حاضر لاندیلر . فقط اثنای
رجعتده از نیکده مهلیسه نک معیتده محصور بولنان تورکلر بولنری تعقیبه باشلادیلر ،
بر آز صوکر سلطان سلیمانک اردوسیه یتشدی . روملر چارناچار حرب ایتمه
مجبور اولدیلر . یوآنس ، اردونک اداره سنی (یورکی پاله اولوغوس) و یردی . قانلی
بر محاربه وقوعه کلدی . بو محاربه روملرک قطعی انهزامیه بیتدی . روم اردوسندن
پک آزی ئولومدن قورتوله رق قاچه بیلدیلر . اردو قوماندانی یوآنس فراریلرک باشنده
ایدی . (پاله اولوغوس) درایت و شجاعت فوق العاده سیله تمایز ایتدی . برقاچ یرندن
یارالی اولدینی حالده قاجادی ، فراریلری باشنه طوپلایه رق رجعتلرینی تأمین ایتدی .
و کوچ حال ایله استانبوله کتیرمکه موفق اولدی .

سلطان سلیمان از نیکه کیرمشدی . مهلیسه ، سلطانک حمایه سنده اوله رق برآزمدت
آنادولونک اوفاق بر قسمنه حاکم اولدیه ده بالاخره طرد ایدلدی .

استانبولی ضبط ایتک امنی بسلیمان سلیمان شاه ، مرکز حکومتی اورایه یاقین بولندیرمق
ایستدیکندن از نیک شهرینی پایتخت اتخاذا ایتدی و قاضی بولندینی آنادولو قطع سنه مرکز
یایدی . خرسیتانلق تاریخنده پک مشهور اولان بوبلده آنادولو فاتحنک دارالملکی و آنادولو
دولتنک مرکزی اولدی . کلیسالی جامعه تحویل ایدلدی ، شهره تورکملردن بر مقدار
اهالی یرلشدیرلدی ، قلعه لرینه عسکر اقامه اولوندی . از نیکک ضبطندن صوکر تورک
استیلاسی استانبول بوغازینه قدر کلدی . سلطانک امراسندن بعضیلری ایزمیتی ضبط
ایتدکدن صوکر ایلرله یه رک اسکداری ، قاضی کوبی و بوتون بوغاز ایچنک آنادولو
ساحلنده کی موقعی آلمشردی . سلطان بالذات استانبولق قارشینه کش و ثروت وسامان
منبعی ظن ایتدیکی بوشهرک محتشم سورلرینی یاقیندن تماشا ایلشدی . سلطان سلیمان بوغاز
ایچی ساحلرنده کمرک دائره لری تأسیس ایتدیرمش و بولنر واسطه سیله بوغازدن کلوب
کچن کملردن ویرکی آلمایه باشلامشدی .

مکرمین منیل